



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

A nr. 500/ 2012

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Xhevdet Abazi, kryesues, Ymer Hoxha, dhe Nehat Idrizi, anëtarë, duke vendosur përkitazi për ankesat e Lëvizjes Vetëvendosje (LVV), me seli në Prishtinë, paraqitur kundër subjektit politik Aleancës për Ardhmërinë e Kosovës (AAK), Lidhjes Demokratike të Kosovës (LDK), Partisë së Drejtësisë (PD), Partisë Demokratike të Kosovës (PDK), ZKKZ dhe disa votuesve për shkak të parregullsive gjatë procesit zgjedhor në ditën e votimit në Zgjedhjet Lokale, në seancën e panelit të mbajtur me 06.11.2013, mori këtë:

V E N D I M

REFUZOHEN si të pabazuara ankesat e Lëvizjes Vetëvendosje (LVV), me seli në Prishtinë: Anr.500/2013, Anr.501/2013, Anr.502/2013, Anr.503/2013, Anr.504/2013, Anr.506/2013, Anr.507/2013, Anr.509/2013, Anr.511/2013, Anr.512/2013, Anr.513/2013, Anr.515/2013, Anr.516/2013, Anr.518/2013, Anr.519/2013, Anr.522/2013, Anr. 523/2013, Anr.525/2013, Anr.526/2013, Anr.530/2013, Anr.532/2013, Anr.533/2013, Anr.535/2013, dhe Anr.536/2013.

Arsyetim

PZAP, më datë 04.11.2013, ka pranuar ankesat: Anr.500/2013, Anr.501/2013, Anr.502/2013, Anr.503/2013, Anr.504/2013, Anr.506/2013, Anr.507/2013, Anr.509/2013, Anr.511/2013, Anr.512/2013, Anr.513/2013, Anr.515/2013, Anr.516/2013, Anr.518/2013, Anr.519/2013, Anr.522/2013, Anr. 523/2013, Anr.525/2013, Anr.526/2013, Anr.530/2013, Anr.532/2013, Anr.533/2013, Anr.535/2013, dhe Anr.536/2013 nga LVV, me seli në Prishtinë, me te cilat pretendohet se gjatë ditës së votimit ka pasur parregullsi të natyrave të ndryshme si votim i dyfishtë, fotografim i votës, votim pa dokument valid, asistim pa leje gjatë votimit, thyerje të heshtjes zgjedhore si dhe premtim i shpërblimit financiar.

- Sipas ankesës Anr.500/2013, pretendohet se gjatë ditës votimit në QV nr.1633A një mbështetës i PDK-së Visar Sylka ka bërë shkeljen e rregullave zgjedhore duke fotografuar votën e tij.

Parashtruesi i ankesës nuk ka bashkangjitur asnjë provë si dëshmi për shkeljen e pretenduar.

- Sipas ankesës Anr.501/2013, pretendohet se në ditën e votimit një votues është parë duke bartur persona deri tek QV 2004 A. Me këtë rast është bërë shkelja e nenit 6.1 Rregullës 11/13 të KQZ-së.

- Sipas ankesës Anr.502/2013, pretendohet se në ditën e zgjedhjeve në QV 2714b/03d në fshatin Maxhun votuesi me emrin Nezir Hasani ka tentuar të votoj dy herë.

Parashtruesi i ankesës nuk i ka bashkangjitur ankesës asnjë provë si dëshmi.

- Sipas ankesës Anr.503/2013, pretendohet se në QV në fshatin Sopniq- Rahovec kryesuesi i VV Fadil Gashi ka lejuar votimin e një personi i cili nuk ka poseduar dokument valid të identifikimit siç është e përcaktuar me ligj.

Parashtruesi i ankesës nuk i ka bashkangjitur ankesës asnjë provë si dëshmi

- Sipas ankesës Anr.504/2013, pretendohet se në QV 2702d/06d një person me emrin Ardian Gërxhliu në përcillje të një personi i cili shtirej se është person me nevoja të veçanta ka bërë përcjelljen e tij deri tek kutia e votimit edhe pse vëzhguesit e LVV kanë kundërshtuar një gjë të tillë, e cila është e ndaluar me rregulla zgjedhore.

Parashtruesi i ankesës nuk i ka bashkangjitur ankesës asnjë provë si dëshmi.

- Sipas ankesës Anr.506/2013, pretendohet se në QV 0423 D/01R në fshatin Përlepnice votuesi me emër Edon Haziri gjatë votimit ka fotografuar votën e tij, sipas parashtruesit të ankesës ky votues ka bërë shkeljen e Kodit Penal të Kosovës.

- Parashtruesi i ankesës nuk i ka bashkangjitur ankesës asnjë provë si dëshmi.

- Sipas ankesës Anr.507/2013, pretendohet se në QV shkolla fillore “Naim Frasheri” në Shtime disa votues kanë votuar për të dytën herë dhe një gjë të tillë e ka lejuar anëtari i KKZ-së Arben Deliu dhe Aziz Zymberi edhe pse këta votues kanë pasur gishtërinjtë e spërkatur. Me veprim është kryer vepra penale nga neni 214 i Kodit Penal.

- Parashtruesi i ankesës nuk i ka bashkangjitur ankesës asnjë provë si dëshmi.

- Sipas ankesës Anr. 509/2013, pretendohet se në QV 2305D/03R një person me emrin Haqif Xhemajli, punëtor social në komunën e Shtërpçës është parë nga dëshmitarët duke shpërblyer një votues me gjëra ushqimore për arsye të votimit të PDK-së. Me këtë është bërë shkelja e Kodit Penal dhe Kodit të Mirësjelljes.

-

Parashtruesi i ankesës nuk i ka bashkangjitur ankesës asnjë provë si dëshmi

- Sipas ankesës Anr. 511/2013, pretendohet se kandidati për asamble komunale nga radhët e LDK Visar Shehu është parë duke votuar rreth orës 8 e 30, i cili ka qenë i shoqëruar nga një grua të moshës së vjetër i njëjti është parë disa orë më

vonë në korridorin e shkollës. Me këtë është bërë shkelja e rregullës zgjedhore 11/2013 të KQZ-së.

Parashtruesi i ankesës nuk i ka bashkangjitur ankesës asnjë provë si dëshmi.

- Sipas ankesës Anr. 512/2013, pretendohet se në QV 0901E-04R komisionari Bekim Rexha nga radhët e subjektit politik LDK kishte votuar dy herë në këtë QV edhe pse komisionerët tjerë kishin reaguar për një gjë të tillë. Me këtë ka bërë shkelje të nenit 19.1 të rregullës zgjedhore 09/2013 të KQZ-së.

Parashtruesi i ankesës nuk i ka bashkangjitur ankesës asnjë provë si dëshmi.

-Sipas ankesës Anr.513/2013, pretendohet se në lagjen Romajë-Prizren mbështetës të subjektit politik LDK kanë kishin thyer heshtjen parazgjedhore duke bredhur rrugëve të lagjes me veturë në të cilën kishin vendosur flamuj dhe logo të LDK-së. Me këtë kanë bërë shkeljen e dispozitës së nenit 7 të rregullës zgjedhore 09/2013 të KQZ-së.

Parashtruesi i ankesës si provë ka bashkangjitur një foto.

-Sipas ankesave Anr.515/2013 dhe Anr.516/2013, pretendohet se në QV në fshatin Kqiq dyshohet se votuesja Arbenita Mehmeti kishte votuar dy herë sepse kishte shenja të sprejit në gisht. Me këtë pretendohet se është kryer vepra penale e përcaktuar me Kodin Penal të Kosovës.

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr.518/2018, pretendohet se në QV 1817E VV 1 votuesi Avdullah Nelaku nga Tërrnava pas përfundimit të votimit kishte fotografuar votën e tij. Me këtë pretendohet se ka pasur shkelje të nenit 15 paragrafi 4 i Rregullës Zgjedhore 09/2013 dhe nenit 89 par 4 te LZP-se.

Parashtruesi i ankesës nuk ka bashkangjitur ankesës asnjë prove si dëshmi.

- Sipas ankesë Anr.519/2013, pretendohet se në QV 1824E VV 08R një votues Valon Muqiqi ka fotografuar votën e tij. Me këtë ka bërë shkeljen e nenit 15 par 4 i Rregullës Zgjedhore 09/2013 dhe nenit 89 par 4 të LZP-së.

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr.522/2013, pretendohet se gjatë procesit të votimit në QV 1030D/02R është bërë një parregullsi ku kryesuesi i këtij VV Besnik Thaqi ka bërë nderimin e futjes së fletëvotimit nga kutia e votimit me kusht në atë të kuti të votimeve të rregullta, me këtë veprim të këtij kryesuesi është bërë shkelje e nenit 18 dhe 19 i Rregullës zgjedhore 09/2013 te KQZ-se dhe Kodit Penal te Kosovës neni 216 par 1 dhe 2.

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr. 523/2013 pretendohet se ne QV 1104B/09R një votues me emrin Llokman Tollumqe ka votuar për herë të dytë me kusht pasi pretendohet se kishte votuar edhe ne shkollën “Anton Zako Çajupi” me këtë dyshohet se ka bërë shkeljen e Kodit Penal të Kosovës neni 216 par1 .1 dhe 1.2.

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr.525/2013, pretendohet se ne QV 0205/C ne Gjakovë se komisionari nga radhët e PDK-së Minush Xërxa në momentin kur një votues ka kryer procedurat paraprake te identifikimit ne listën e votuesve i njëjti ka dëmtuar fletëvotimin duke shkoqur nga dengu bashkë me numrin serik. Kjo parregullsi është evidentuar edhe ne librin e votimit 0205/C. Me këtë rast ka bere shkelje te Kodit Penal neni218 par 3 ne lidhje me par 3 si dhe rregullën Zgjedhore 09/2013 neni 15 par 4.

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr.526/2013, pretendohet se ne QV 0402x/08R ne Gjilan një votues me emrin Adnan Shkodra pasi ka votuar ka bere fotografimin e votës se tij. Me këtë veprim ka kryer shkeljen e Kodit Penal neni 215 par 2 dhe dispozitat e nenit 15 te Rregullës Zgjedhore 11/2013 te KQZ-së

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr. 530/2013, pretendohet se ne shkollën fillore “Skënderbeu” në fshatin Vaganicë-Mitrovicë një person me emrin Hajriz Dakolli pasi qe ka votuar ka bere fotografimin e tij. Me këtë veprim është bere shkelja e nenit 15 par 4 Rregullës Zgjedhore 09/2013 dhe neni 89 par 4 te LZP-së.

Parashtruesi i ankesës nuk ka bashkangjitur ankesës asnjë prove si dëshmi.

-Sipas ankesës Anr.532/2013, pretendohet se ne QV 0403D/01R një votues me emrin Bujar Abazi pasi ka votuar ka fotografuar votën e tij. Me këtë është bere shkelja e nenit 15 par 4 i Rregullës Zgjedhore 09/2013 dhe nenit 89 par 4 te LZP-së.

Parashtruesi i ankesës nuk ka bashkangjitur ankesës asnjë prove si dëshmi.

- Sipas ankesës Anr.533/2013 ne QV 3044A/01R votuesi Ragip Morina gjatë verifikimit të gishtrinjëve është vërtetur se ky votues i kishte pasur gishtrinjet e spërkatur gjë që dyshohet se i njëjti kishte votuar edhe me herët. Komisioneret ishin munduar ta ndalojnë qe te mos votoj por i njëjti kishte hyrë me dhunë. Më këtë rast është bere shkelje e nenit 216 të Kodit Penal të Kosovës.

Parashtruesi i ankesës nuk ka bashkangjitur ankesës asnjë prove si dëshmi.

- Sipas ankesës Anr.535/2013 në QV 1104R/04B në shkollën fillore “Ismail Qemali” Bajr - Mitrovicë ,votuesja Afërdita Jashari pasi ka votuar ka fotografuar votën e tij. Me këtë rast është ber shkelje e nenit 15 paragrafi.4 i Rregullës Zgjedhore 09/2013 dhe nenit 89 par 4 të LZP-së.

Parashtruesi i ankesës nuk ka bashkangjitur ankesës asnjë prove si dëshmi.

- Sipas ankesës Anr.536/2013 pretendohet se në Rr "Xhelal Hajda" aktivistet e PDK-së kanë vendosur posterat e kandidatit për kryetar komune Idriz Vehapi nga radhët e subjektit politik PDK ku është thyer heshtja zgjedhore. Më këtë rast është ber shkelje e nenit 7 të Rregullës Zgjedhore 11/2013 të KQZ.

Parashtruesi i ankesës ka bashkangjitur si provë fotografi.

PZAP-i në bazë të nenit 117.2 te Ligjit Nr. 03/L-256 Për Ndryshimin dhe Plotësimin e Ligjit Nr. 03/L-073 për Zgjedhjet e Përgjithshme në Republikën e Kosovës LZP-së ka shqyrtuar pretendimet ankimore dhe pas vlerësimit të tyre dhe te provave tjera që gjenden në shkresa të lendes, duke konsideruar se nuk është e nevojshme caktimi i seancës dëgjimore ka gjetur se:

Ankesat janë të pabazuara.

Paneli i PZAP-it në bazë të nenit 6.3 të Rregullave dhe Procedurave të PZAP-it, ka vendosur të bashkon ankesat e lartcekura dhe ti trajton si një ankesë për shkak të natyrës së njëjtë të rasteve dhe pretendimeve, dhe për të gjitha të vendos me një vendim për shkak te efikasitetit dhe ekonomizimit të procedurës.

PZAP-konstaton se pretendimet ankimore nga ana e Lëvizjes Vetëvendosje (LVV), paraqitura në ankesa kundër subjekteve politike të përmendura në ankesa e lartcekura janë të pabazuara, nga shkakut se nuk ka prova se subjektet e lartë përmendura kanë shkelur dispozitat ligjore në të cilat pretendohet ne ankesat e sipërshënuara .

Andaj për shkakun se nuk janë ofruar dëshmi bindëse për të vërtetuar se kur dhe në çfarë kohe kanë ndodhur shkeljet e pretenduara, dhe pasi që ankesave të parashtruara nuk iu janë bashkangjitur prova bindëse që të argumentohet kryerja e shkeljeve të cekura, në kuptim të nenit 115.1 lidhur me 118 paragrafi 1 të LZP-së, ankesat e lart përmendura u refuzuan si të pa bazuara.

Nga sa u tha më lartë u vendos si në dispozitiv të këtij vendimi.

Paneli Zgjedhor për Ankesa dhe Parashtrësia

Anr. 500/2013 më datën 06.11.2013.



Këshill Juridike: PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i.*